

INUIT ATAQATIGIIT

INATSISARTUNI



12. oktober 2010

Inatsisartut suleriaasiat § 36 immikkoortoq 1 naapertorlugu Naalakkersuisunut imaattunik apeqquteqarniarbunga:

Naalakkersuisunut apeqqut:

Sinerissap qanittuani aalisartut 8 miiterit sinnerlugit angissusilinnik angallataatilinnut oqilsaassassinamik iliuuseqartoqarniarpa?

Sinerissap qanittuani 8 miiterit sinnerlugit angissusilinnik angallataatilinnut aningaaserivimmut (Bank-inut) akilersuisunut oqilsaataasinnaasunik iliuuseqartoqarniarpa?

Aalisarnikkut ajornartoornermi pigisanik nalilinnik annaasaqannginnissaq siunertaralugu Naalakkersuisut qanoq iliuuseqarniarpat?

(Inatsisartunut ilaasortaq Isak Hammond, Inuit Ataqatigiit)

Tunngavilersuutit:

Piffissami matumani ullaat atukkat assut sakkortupput, imaannaangitsunillu sunniuteqarnerat nalunarani pingartumik avannaani. Uummannap eqqaani qaleralittassat 2010-mut pisassiissutigineqartut nungunnerisa kingorna aalisartut sungiusimanngisaminnik nalaattaqarput. Tassa 8 miiterit sinnerlugit angallateqaraanni tamanna uninngasarriaqalernermik kinguneqarami.

Naalakkersuinikkut kaammattutigineqaraluarpoq aalisarfinnut allanut soorlu Upernaviup eqqaanut kiisalu Disko Bugt-mut qaleralinnik aalisariarnissamut innersuullugit.

Tamanna nammineq ajunngikkaluarpoq, kisiannili aamma ilisimaneqartutut aalisartorpassuit ataatsimut qaleriiaallutik aalisarnissamik orningisaqarneq ajorput. Sumiiffinnimi pineqartuni aamma qalerallit pisassiissutigineqartut ingammik Upernaviup eqqaani nungulerput.

Sumiiffinni qaleralinnik pisassiissutigineqartut nungunnerisa kingorna aalisartut unittoortarnerat annertuumik naleqartarpoq tamannalu iliuuseqarfisassatut isigineqarnersoq paaserusunnarluni.